

Opuscula

Epistola

ACCRESCENS In Plenilunio 23

Ætatis, Virtutum & Meritorum
ŁUKOMSCIANA LUNA,

^{dum}
ILLUSTRISSIMUS & REVERENDISSIMUS D.

NICOLAUS
ANTONIUS
ŁUKOMSKI,

ABBAS LANDENSIS,

S.R.M. Secretarius,
secundas Sacerdotii Primitias
DEO Omnipotenti offerret

In vim tantæ felicitatis & applausus,

^{per}
M. ANDREAM LIPIEWICZ, in Alma Vniuersitate Cracov:
Philosophiæ Doct: Matheseos Professore, Geometram Juratum,
Officiosissimo cultu

DEMONSTRATA.

Annò quò

Sacerdos secundum Ordinem Melchisedech DEO Patri, in Ara
Crucis Cruentum obtulit Sacrificium. 1747. Die 1 Januarii.

CRACOVIAE TYPIS UNIVERSITATIS.

In Gentilitium Insigne ILLUSTRISSIMI ABBATIS



Luna Planetarum postremo sistitur Orbe:
 Ast Tua de primo creditur esse loco.
 hic decet ut maneat LUKOMSCIA Cynthia prima,
 Quam CRUX fert supra Sydera celsa Poli.

ILLUSTRISIME & REVERENDISIME DOMINE

ABBAS,

Mecænas Gratiofissime.

Pervetusta GENTILITIA TVA LUNA, tot à sæculis Lechæum decurrens Olympum hodie tandem primis Calendis Januarii secundas DEO Te offerente Primitias, Plenilunium in Novilunio & Novilunium in Plenilunio absolvit. ABBAS ILLUSTRISIME, MECÆNAS GRATIOSISISIME. Nova hodie LUKOMSCIANA LVNA apparet, ubi peractō fortunatissimè Regalis Sacerdotii Annō quinquagesimō, Annō inquam Gratiae, Annō Jubilæi, iterum Supremo Numini renovas immolare hostias, & AVITAM CYNTHIAM Plenilunium tenere demonstras, cum tota in splendoribus virtutum & meritorum resplendeat Tuorum. Plenilunium in Novilunio habet, quia cum sis plenus dierum, plenus immortalium factorum ABBAS ILLUSTRISIME, facies Tua ut Aquilæ juvenus ante Justitiæ transformatur Solem, irretortam inaccessibili Numini immergendo pupillam. Aliàs Novus

& Antiquus Myſta ſiſtis ad Altare DEI ILLV.
STRISſIME ABBAS: Novus es, quia eleva-
tis Cælum verſus manibûs iterum Numina ter-
rigenis acclinas propitia, iterum ferventi ad Aras
exæſtuans pietatis flammâ accenſam DEI extin-
guis iram, & obdurata mortalium corda effuſis
ab oculis lacrymarû fontibûs frangis ac emollis.
Antiquus Myſta es: quia Ille, in Cujus pectore
præſtinus Amoris Divini flagrat zelus, charitas
inflammat proximi, Religio floret, pietas
intenditur. Bonus Paterfamilias es: nova &
vetera proſers de theſauro Tuo; aliàs Eccleſiæ
radicatam fidem, Sacratiffimo Ciftercio Ordi-
ni honorem, Landæ quandam immortalitatem
addis. Tantæ ergo felicitati Tuæ ABBAS
ILLVSTRISſIME applaudit Academicus Cã-
dor; qui ſicut nullo fucato depictus colore,
ita Magno Tuo Nomini devinctiffimus. Intra
feſtiva ſecundarum Tuarum Primitiarum acro-
mata alium triumphalem Tibi non erigit colos-
ſum, niſi GENTILITIAM CRUCEM: in qua
nil leges, tantum pro magnis in Eccleſia DEI
laboribus Tuis, pro magnis meritis & virtuti-
bus millenas annorum decades & Benedictio-
nes Divinas. Quas precari non deſinit

Illuſtriſſimi Nominis Tui

Adorator

Author Operis.



ACCRESCENS
In Plenilunio
Ætatis Virtutum & Meritorum
LUKOMSCIANA
LUNA.

Maximum quod
dari in rebus humanis,
ultra quod crescere & augeri nequeant:
Magistrâ edocemur experientiâ.

Etenim
habent cuncta suam thulen,
extra quam
ampliûs ferri ac dilatari

B

nec

nec innatum, nec desuper ipsis concessum.

Ipsa

NATURA NATURANS

vel ideo omnia

in mensura, numero & pondere locavit;

ut videret Orbis:

singula terminis suis limitari.

Sic

præfixit metam magnitudini,

revocavit ad calculum multitudinem;

& inæstimabili Cleopatræ umoni

pretium indidit ac valorem.

Sit Gigas!

quantitatem tamen molis non excedet;

fit Alexander Magnus;

tricubitalem supra non assurget mensuram.

Anteponatur Maximis:

magnitudinem non transcendet.

Crescat centenis annis quercus:

ultra præfixum tamen non excrescet terminum.

Luxurietur frondibus Cælum versùs

immortalis in Libano Cedrus:

Sydera non tanget.

Extendat renascentes indies suos Dodona palmites:

extra Delphos non frondescet.

Exundet Mare:

margines & littora, quibus coarctatur,

non

non transgredietur.

Eja est!

habent amplissima Regna suos limites,

ultra quos

nil spectat ad Garamantas & Indos;

quod ad Arcadiam, aut Macedoniam.

Sunt lineis puncta,

quibus limitantur;

sunt Cælis sui Poli;

in quibus sistunt.

Ipsè intellectus Divinæ particula auræ,

quanquam intelligendo fit omnia:

à solo vero non recedit;

voluntas potentia ex se indifferens,

in bono quiescit;

neq; rebus desunt magnitudinis termini,

quos attingendo

amplius eis crescere & augeri

non plus ultra.

Hic est rerum sublunarium status:

alia

sub Concavo

LUKOMSCIANÆ LUNÆ

naturæ dispositio;

ubi

magna majorantur, majora attolluntur,

& maxima omnem excedunt Quantitatem.

Nesciunt

Bz

sub

sub Gentilitia Luna

ima tenere

ŁUKOMSCII,

qui ipsis ab incunabulis à summo cæpère,
summum nunquam deserunt,
magnificentius semper in altum eluctando.

Hæc

ŁUKOMSCIANA LUNA

vix in Lechico resplenduit Hemisphærio
illico

in plenilunio honorum stetit,

Orbi Sarmatico

pari cum Sole iurare

(nam æmula Cynthia Phæbi)

fortunatiores invchens dies.

Nullam unquam patitur Ecclipsim,

tota virtutum, tota meritorum

erga Ecclesiam, Religionem, & Patriam

circumfusa splendore.

Si Nilum parvum spectare non licet,

altum Sanguinis **ŁVKOMSCIANI** Mare,

ex quo

tot Lechico Senatui meridiani consurgunt Soles,

ex quo

tot pretiosi ad Coronas Regum leguntur uniones,

per quod

optatas

optatas bonæ spei adnavigant Insulas,
quod

fortunatis intumescit fluctibus,
vastum & immensum in primo sui fonte apparet;
adeo:

ut nullis coarctetur littoribus,
nullis claudatur marginibus.

Ita est:

*parvis tantum per declivia ad summos montium apices
ire concessum;*

*Magni ad magnas nascuntur,
quorum Cuneæ ad eminentiam gradus.*

Vtiq;

Rosæ ad purpuram, florum Reges lilia crescunt.

Simplex palmes

antequam verticem attollat,
prius humi serpit, verritq; foliis pulverem;

Dodonea quercus

statim à radice ramos
in hastam Palladi, in caduceum Mercurio porrigens,
Coelum cacumine ferit.

Hæc est planta

LUKOMSCIANÆ DOMUS:

à qua
Bajulatores Orbis Lechæi prodeunt Atlantes,

à qua

C

Domito-

Domitores Monstrorum in cunis nascuntur Hercules,
à qua
non timidi pro Patria mori procedunt Heròes.

Domus hæc

capit primordia tanta:
si in ortu suo

**Lukomsciana Luna
Illustrissima,**

quanta in meridie honorum spectanda:

si Arbor

Consanguinitatis **LUKOMSCIANÆ**

in sui radice

facit una nemus,

quantæ proceritatis erit?

dum

in Marechalcales Scipiones, Clavas, & Curules efflorescet.

Mare hoc

si à primo fonte exundat

certe

Sarmaticū virtutibus & meritis copiosè inundabit Cāpū.

Crescit in dies

Lukom.

Lukomsciana Luna,

nec in eodem sistit honoris gradu,
altius semper ascendendo.

Nativum lumen
utriq; diffundit Hemisphærio,

aliàs

Ecclesiæ DEI, & Patriæ;

totq; meridianos radios spargit meliore coma:
quot Illustria LUKOMSCIORVM Nomina,

ex quibus

Hos, Magnos ad Comitia Regni Legatos,

Illos, Aequissimos ad Tribunal Lycurgos,

Alios, imperterritos ad Castra Camillos,

Illustrissimos in Senatu Antistites,

REVERENDISSIMOS ABBATES

adorabat & adorat Patria.

Vnum præ cunctis immortalitatis loquitur fama,

nempe

Illustrissimum & Reverendissimum Dominum,

NICOLAUM ANTONIUM

LUKOMSKI,

ABBATEM LANDENSEM,

Cujus

Claritudo Generis, ad æmulationem,

C2

Altitu-

*altitudo gloriæ, ad honorum fastigia,
antiquitas Familiæ, ad aurei sæculi cursum,
virtus & merita ad stuporem.*

In Elogia Ejus
tenuis si vellet evolare penna,

Crux Gentilitia
ab arte Oratoria absolvit
Laudatorem Calamum;

Avita Cynthia
extingvit Oratorios ignes;

quam
non tantū Palladianæ Noctuæ, aut nec Aquilinæ palpebræ intueri
concessum.

Ergo quò tendis penna?
guttam non affundes Oceano.

Vir hic

Vir DEO dilectus & hominibus
quia

NICOLAUS,
auream dicendi de se absorbet venam.

Et

Et licèt
ad seniles Illius Annos
rejuvenescant Cerebella, reviviscant ingenia,
ipse tamen Eloquentiæ Parens, pusio.

Mercurius
coram Cano Capite Ejus deponit galerum,

Apollo
non prius arcum, quàm genua flectit;
ut potè:

Cujus veneranda senectus
fructus venerationis progenerat.

Ferventissimus Religionis Zelus
ætatis Ejus temperat ignem.

virtutum ardor

naturalem auget calorem,

solatium ex Sponsa sua Ornatissima

& Filiis,

quos supparet educavit Mitris,
vitam Illi prolongare non cessat
ad invidiam posteritatis.

O si Calame!

tanta rerum magnitudine,
tanta meritorum Majestate preste
æternitati ad legendum scriberes
nunquam de condigno laudata & laudanda

D immor-

immortalia gesta,
supra humanam fragilitatem evectas,
aliter vix aliquando concessas

Virtutes

Istius infracti pro Ecclesia DEI Atlantis,
Literarum ac Literatorum Assertoris,
Coronatorum Capitū pretiosissimi Unionis,
Muneris Sacerdotii Magni

Aaronis,

totiusve bonitatis Aurifodinæ,

scilicet

Illustrissimi & Reverendissimi Domini

Abbatis Landensis,

quomodo leget posteritas

quā iustitiā, quā prudentiā, quā liberalitate pollet

in Cujus Abbatiali pectore

Sapientia recumbit,

Apostolicus residet Zelus.

Vir hic

sinè paritate exemplarissimus,

sinè cerussa commendabilis,

sinè ostentatione celeberrimus,

sinè stimulo operosissimus.

Vir

Vir hic

rara hoc sæculo Religione in DEVM & Sanctos,
rara profusione opum in egenos

laudatissimus,

in nullum prodigus, in omnes liberalissimus,

id unicum sibi animo ducit:

ut in omnes manus extendat munificas

NICOLAUS.

Perpende Posteritas

si virtutes, si Merita Ejus

non tantam laudis materiem poscunt,

quantum virtutum suarum laudatorē exigit

Æternitas.

Rarò quidem dies ab ortu ad occasum

migrat sine nube;

Splendor virtutum, & intaminatæ probitatis

Illustrissimi Abbatis,

in Aurora conspicuus,

in meridie splendidissimus,

& ad occasum vergens

Illustrissimus.

In Majestuosæ Adolescentiæ Indole

D.

Vul.

Vultum Ejus
formosiores Ganimede depinxit virtus;

Quem
in primo diluculo vitæ
radiis bonorum operum coruscantem
in flore, maturum omni generis felicitatis præferentem fructum,
in punctione, Magnum ANTONIVM
præcognitionis futurorum eventuum augurio
Orbis Polonus & tota Illustrissima Domus
adoravit.

Et sic
in Illustrissimo & Reverendissimo Domino
Abbate Landensi

Stoicum illud Paradoxum veritatem invenit tandem:
*talis est Sapientis animus, qualis Mundi Status
super Lunam.*

Semper illic serenum est:
semper

Illustrissimus Abbas
sub

Gentilitia Luna
virtutis lumine clarissimum,
splen.

splendore charitatis lucidissimum,
exemplaritate vitæ eminet.

Primæ Magnitudinis Sydus.

Cum enim ad Magisterium profecisset innocentia,

incedit ex præmissis,

exiguum lucis argumentum esse:

ipsis tantum Majorum splendescere Ceris,
aut

quos Pater Aneas & Avunculus accendit Hector-

triumphalibus radiare ignibus,

totâ vitâ suâ nil amplius curat,

quàm ut totam Divinam lucem hauriat

Illustrissimus.

Inde

ut splendidior appareat sub Concavo

Gentilitiæ Lunæ

à virtutibus indies, ceu Phæbe à Sole mutuatur lumen,
ut

inter coruscantes in perpetuas æternitates Stellas
refulgeat velut inter ignes Luna minores.

Splendet humilitate demissa

Cujus exemplò

inflatus alienæ mentis deprimitur tumor.

Relucet prudentiâ mentis,

quâ in rectè agendis circumspectissimus.

Eminet fortitudine animi,

E

dum

dum ubi ceteri mollescunt, ille ceu immobile saxum;

Rutilat gravitate morum,

quæ Ei ab omnibus venerationem tributariam vindicat;

Coruscat intaminato candore;

Qui congenitum nitore nec minimâ obfuscavit athomâ;

Fulget mansuetudine,

Cui innatum cum omnibus sociare curas;
miscere sermones.

Radiat Principe virtutum liberalitate,

Cujus manus aureæ in omnes effusæ;
fluvios si non superant Iberos, æquant;

Peccarem

in tuam modestiam

Illustissime Abbas,

si recensere vellem

illam,

quam constanter hucusq; retines,
in DEUM Divosq; pietatem.

In prima ætate

ad Sanctimoniam & Sapientiam fastigium
tuæ pari conatu progressionem,
etiam me tacente

illustre Virtutis Tuæ documentum

Orbi Polono & toti Sacratissimo Cistercio Ordini
exhibent:

in Te

citius

*citiùs pietatem adolevisse, quàm ætatem;
quia illam de Cælo, hanc cum lacte suxisti.*

Quid est

*illa extatica pientissimi spiritûs in DEVM tendentia?
si non Religionis Tuæ*

Idea;

*quid indefessa in Oratione perseverantia?
si non in corde tuo Amoris Divini*

Archetypus,

*quid illud velle perpetuum laudandi DEUM
& Matrem Ejus MARIAM:
si non vera Contemplationis Cœlestis*

Imago.

*Non blanda hæc, vel obsequiô expressa,
idem de te omnium sensus:*

*quòd
pietatem tuam mensus est Amor Divinus Archimedes,
sculpsere Angeli Myrones,
posuere Charites, coronarunt virtutes*

Rumpe

*(si per naturam licet)
cordium repagula,
videbis*

Ea

omni-

omnium corda in idem conspirare:
Te

Illustrissime Abbas,

*genitum esse à Gratiis, lactatum à Musis,
ab ipsis Superis educatum.*

Narrant

monumenta & fasti,
quantus sis noscendus titulis?

Cujus

Gentilitia Luna,

nil commune cum terris habet;
quantus sis noscendus factis?
quibûs ora omnium & linguas mereris,
quibûs in cordibus singulorum post fata perennabis

Superstes.

Tuus Rerum Divinarum Amor
vocalis Orbe toto Orator,
quantum pro Domo DEI defudas,
quantum pro Sacratissimo Cistercio Ordine laboras.
O quantus in Candelabro Ecclesiæ lucet!
probas hoc probæ vitæ opere,
loquuntur & parietes.

En

En ipsa Landa

si centum ora, totidemq; linguas haberet,
adhuc vocalius Stentorea voce
ut promulgat & promulgare non cessabit,
quod Ei Tua benedixisti.

Gentilitia Cruce,

*ut eruditorum Virorum fertilissima Colonia,
Laureatorum Doctorum pulcherrimum Seminarium,
Mitratorum Capitem fortunatissima Phœnicia,
& ABBATIUM fieret celeberrimum.*

Pantheon,

dum

unus novem Landæ Filios
summis Infulatis adaptasti honoribus;

unus

tot Sapientissimis Doctoribus Landam florere fecisti.

Celebrabit

Illustrissime Abbas,

Landensis Basilica

Tuum per sæcula Nomen,

quam

de fundamentis erexisti,

ære contexisti, censibus dotasti,

F

Augu-

Augusto Augustior,

Qui Landam lateritiā deprehendēs, marmoreā fecisti;
concoloremq; Tibi Sponsam Tuam Ornatissimā reddidisti.

Verè

Animus Tuus ipse sibi immortalitatis Architectus,
dum Altaria Sanctorum non aurata solūm,
sed ex asse fundata

altiores gloriæ Tuæ erigunt colles.

Prototypus Charitum cūm sis,

vocalem virtutum Tuarum Harmoniam
resonans canentiū in Ecclesia Chorus suavi declarat Symphoniam.

Sanctior es Ædificii gloriæ Tuæ Amphion:

non Thebas solūm

verūm Corda omnium in Triumphum trahis;

Verè

Sacratior DEI Oraculorum Apollo

plures in Delpho Landensi meruisti Aras;

nec palmaris tua quandoq; marcescet gloria,

dum in Clara Tumba

eruditissimis Professoribus elegisti Stationem,

ad ripas præterlabentis Vistulæ

Palladi contulisti munera,

laborantibus providisti stipendia,

ut in hac à Te plantata Schola

ex Filiis Patres, ex Discipulis Magistri,

ex his fierent Sapientissimi Doctores;

Tu

Tu ipse

Scientiarum Emporium, & totæ Athenæ dicendus.

Certè

*bona Corporis Tui, bona non tua sunt,
bona fortunæ Tuæ, bona publica:*
nemini non patentes exporrigis aures,
nemini non succurris.

Ex Te

aluntur egeni, vivunt Xenodochia, ditatur

Cistercius Ordo.

Quid memorem,
quantus tuus labor & cura circa Divina?
certè Atlanticus,
quia indeficiens.

Ter Generalis Commissarius
per Ultramq; Poloniam, Magnum
Ducatum Lithuanix & Prussiam,
quàm multipliciter Sacræ profuisti Provinciæ,
*arguebas ut Pater, increpabas ut ABBAS,
obsecrabas ut Mecænas & Fundator*
ut omnes æternæ Patriæ memores essent.

Unde

præscripsisti bonum ordinem, mutuam charitatem

intimius radicasti, religiosam disciplinam stabilisti.

quid ultra facere debuisti?

quod non fecisti:

Apostolicæ vitæ Imitator,

dum omnia in Cultum DEI, in honorem Cistercii Ordinis
erogas

ne Te quidem Tibi relinquis:
totus in curas & labores pios effusus.

Nulla hoc obmutescet vetustas,
clamabit quilibet de pariete Ecclesiæ Landensis lapis,
quod per Te subsistat, per te perennet,
per Te sæcula vincat.

Dum & nuper

ad perpetuam rei memoriam,
ad Majorem Cistercii Ordinis gloriam,
ad ornamentum totius Landæ,
cum ingenti apparatu & solemni applausu omnium

Tuæ Ornatissimæ Sponsæ

Ecclesiæ Landensis

bis trecenta felicissimè consumæti sæcula,
solus si non æternitate, certè ipso mensurād9

Ævô.

Tantarum virtutum, tantorum meritorum,
& beneficiorum tuorum

non immemor DEUS:

benedixit Filiis Tuis in Te

&

& Tibi in Filiis Tuis
in quorum Cordibus
vivis, regnas, perennas
**Abbas, Fundator,
Mecænas.**

Ita est:

Cyneas oris facundiâ, Cato in rebus prudentiâ,
Annibal bellis, Æmilius triumphis, Xerxes
immenfitate exercitus,
immortalitatem peperere sibi:

Illustrissime Abbas,
Magna Opera Tua
ipsa compensant Numina,
dum Te iterum, ac iterum Mensæ Deorum
accumbere faciunt,
& Calicem Salutaris propinant:
ut in æternum vivas.

Vidit Cælum
quantum pro honore Dei, pro gloria Ecclesiæ
tecisti sudasti, & assisti:

&

G

Cur-

cursum Aetatis Tuae ad Nestoreos protendit Annos;

ut sub Gentilitia Cruce

ad Aram Divinam

Incruentum secundò offerres Sacrificium.

Vidit Cœlum

circa Sacratissimum Cistercium Ordinem
continuïs laboribûs infractum,

unde

ut in senili ætate majores adaugeat vires,
secundò Te ANGELORUM reficit Pane;

Vidit Cœlum

ad Benefacta convertisse manus

NICOLAUM,

ut se adhuc meliùs & abundantius

de manibus Tuis habeant omnes,

iterum Manus imponere permittit;

Veriq; Numinis

Sanctiorem Flaminem Te agere decernit.

Vidit Cœlum

Thaumaturgum in operibus

ANTO.

ANTONIUM

& admiranda in ANTONIO opera,
quibus

immortalem posteritati commendat,
unde in senili ætate annos vitæ prolongat

ut
Sacratissimo Ordini in delictum
Illustrissimæ Domui in solatium,
Orbi Universo ad exemplum,

Te
Illustrissimū Abbatē
exhibeat.

Vidit Cœlum
Gentilitiam Tui Lunam
meridiano Virtutum & Meritorum
coruscare splendore,

Quæ
ut in perpetuas æternitates
nativum diffundat lumen,

Hanc iterum

G2

Incre:

Increato Justitiæ Soli

conjungit.

Tanta Tua felicitas
fortuna Cœlorum est,
fortuna Illustrissimæ Domûs,
Sacratissimi Ordinis Cisterciensis
universalis lætitia,

à qua

etiam privatos animos non excludis.

Ad tanta felicitatis Acroamata
omnium affectus animas, corda accendis
& in vota concitas.

Intuere

Illustrissime Abbas,

gestientis Ecclesiæ Lādensis præ lætitia vultū
quô gaudiō, quo secuturæ felicitatis omine
applaudit Tibi,

dum

Fundatorem Liberalissimum

ut eam

fundet solidiūs: stabiliat firmiūs,
observat iterum Lapidem Angularem jacere.

Intuere animi facie.

Illustris.

Illustrissimi & Reverendissimi Domini
CONSTANTINI
ILOWIECKI,
Futuri Abbatis Landensis,

ex ipso oris leges vestigio:

quantâ feratur lætitiâ

dum

Te Patrem suum

iterum Sponsæ suæ ornatissimæ desponsari videt,

Habes omnium in tui venerationem effusos animos,

hodiernæ applaudentes festivitati

dum

in Mæcenatem Gratiofissimum

Superi tantas iterum demittunt gratias.

Quid ultra ages Calame?

implevit meritâ fastos

Illustrissimus Abbas,

potiori Jure quàm Trajanus;

Orbem factis, Landam virtutibus ornavit,

quæ recensere si velis

Typographicæ non sufficient Columnæ.

quia

H

quò

quò magis probitatem Ejus exarare attentas,
eò major instat meritorum series:
quam & subsequutura ætas vix totò deprecabit
sæculò.

Vivet memoria ejus,
Nomenq; Illius curret
semper
per Magnorum ora Virorum,
Qui pro Ecclesia DEI gloriosissimè
pro Religione integerrimè,
pro Zelo DEI Divûmq; honore,
decertat strenuissimè.

Reddant ergo Ei Superi Annos,
quos Ecclesiæ addidit ad labores;
Illustrissimæ Domui
Sacratissimo Cistercio Ordini & Landæ
una Illius non sufficit ætas,
Vivat sæcula;

etenim
LUKOMSCIANA LUNA
semper
in Plenilunio Ætatis, Virtutum & Meritorû
Illustrissimi & Reverendissimi Domini
Abbatis Landensis
ACCRESCENS.

Ode.

Ode Votiva
SECUNDIS PRIMITIIS
ILLUSTRISSIMI ET REVERENDISSIMI DNI
DOMINI
ABBATIS
Landensis
APPLAUDENS.

ADmovent dextras citharis Camænæ,
Instruunt plausus celebresq; cantus,
Ipse Parnassi Moderator ultro
Barbita pulsat.

Manat in partes Heliconis undā
Cracii longas, Patrium relinquens
Vistulam, Varthæ fluit in fluentia
Præpete cursu.

Lechicus causam speculatur Orbis,
Vnde sit Musis alachris canendi
Impetus? quæ sit ratio Paternas
Linquere ripas?

Sibilo gratò remeare cur sic
Cracio multum latici volupe
Alta semoti in vada? limitesq;
Lingere Varthæ.

Pindus ABBATFM venerando Landæ
Subijcit cellum pedibus cacumen,
Antè quem multo Charitum favore
Exhilarabat.

Præfuli pleno meritis & annis,
In Sacro cætu probitate claro,
Plaudit annosum Senium colendo
Turba Novenna.

Quod Chelym tangit, tremulumq; cantum
Promit, & pletrò modulos eburnò
Concitat, nervos quatiente dextra
Tendit Apollo.

Optimè novit NICOLAE doctis
Esse Te Musis Patriis amicum,
Verticem Vandæ, quibus ordinasti
Ritè locandis.

Castalis velox meritò recurrit
Vnda, depressò tumidòq; tergò;
Præfulis cultu reverenter optat
Lambere plantas.

Quòd latex Pindi patitur refluxum;
Cynthiae motus facit hoc Avitæ,
Fluctibus cûi & faver obsequenti
Gurgite semper.

Hinc

Hinc Tibi Cælum geminet favores,
Gratias præstet Polus affluentes,
Quæ Tui mentem valeant abundè
Exsatiare.


Qui diem primum veneraris Anni
Ritibus Sacris renovando cultum
Numinis, Cælo Ithymia gratum
Spargis ad Aras.

Hic dies Christi roseo cruore
Extat insignis, Tua quò celebras
Sacra devotus repetita PRÆSVL
Primitiarum.

Certa prognosis legitur vel inde,
Lenius forsan rubicunda flabit,
Lechicum gratis Zephyris per Orbem
Cynthia Avita.

Te modò servant Superi per annos
Nestoris salvum, cumulentq; fausto
Sortis eventu; struit hunc precando
Musa colossum.

Quem Tuis Sacris manibus prehende
Hic perennantem feret in remotos
Cardines famam, venerentur ut Te
Postera sæcla.



Nomine celsA
 Inclyta culmeN
 CruX Tibi præstat T
 Omnia solo
 Lumine Nomen
 Anteit, Orbi
 Vna manet, TV
 Suscipe cunctis

ABBAS Landensis splendens virtutibus ut SoL
 Bina trecenta refers LANDÆ felicia sæcla
 Blanditias Coeli Te Mundi dicere necnoN
 Augusta Patriæ, Quem Gratia Numinis ipsa ad
 Sydera celsa Poli tollit, Tu gloria LandÆ

Sæcula vincaS
 Æmula PhæbE
 CandidadoneC
 Verget abortV
 Lucida, PræsuL
 Amplaque lustrA
 Vivito, sis TV
 Integer Orbi
 Vividus, æstV
 Aspera fata
 Te neque lædanT

ABBAS
 itollit
 m

sursum

LUKOMSCIA

Cornua

Superis das

mūnera


Sacra

LUN
 A
 und

ti
e,
M
o-
m
o
es
er
ne
a-
ur

lo
c-
y-
ti-
c-

卷之四



22.000,-

3.XII.13



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

